

"АБАНЬ" ХААНА ГЭЭШЭБ?

Табатай Вадим зулгы найхан зунай сагта эжы аба хоёртоёо хүдөөдэ һуудаг хүгшэн абындаа хүнгэн "Нива" машинаараа гүйлгэлдэ гүйлгэлдэһөөр, үдэшэ тээшэ хүрэжэ ерэбэ.

Харгыда эсэһэн Вадим бүхөөр унтаж амараад, үглөөдэрынь наадахаяа газар гараба. Үйлсын тэг дунда нэгэ томо гэгшын гахай олон поршоонхонуудаа дахуулан ябажа, газар хэндэнэ, урбуулна. Поршоонхонуудын ногооной үндэнэ амтатайгаар эдинэ, иишэ тиишээ гүйлдэнэ, бэе бээ хоншоороороо нюдаралдажа байгаад наадана. "Эжынгээ" хэбтээд үгэхэдэ, тэдэнэр буляалдажа байгаад, маамаагаа һахы һалаг хүхэнэд.

Вадим наадахаяашье мартажархёод, тэдэнэй хажууда бүри дүтэлжэ, ногоон дээрэ һууба. Тэдэнэйнгээ саашаа ябахадань, хойноһоонь дахалда дахалдаһаар, нуурай эрье хүрэтэр ябашаба.

Наранай үдэ болоходо, гэдэнээ үлдэшэн Вадим гэртээ гүй гүйһөөр бусаба. Харша соо ороһоор, хүгшэн эжыдээ:

– Тээбии, аа! Хэлэгтылши даа, томо бүдүүн эжынь бишыхан поршоонхонуудаа үглөөнһөө хойшо гансаараа дахуулаад лэ ябана, теэд абань ойро дүтэшье харагданагүйл. Абань хаана ябадаг юм ааб? – гэжэ һонирхобо.